

Heit stelln ma an Maibaum auf!

Text: Margit Sarholz, Werner Meier
Musik: Werner Meier, Margit Sarholz

Lustig-freche Maibaum-Musi in G-Dur

G **D**
Is des a Glück! Heit stimmts genau
G
Aa grad heit is da Himmel ganz blau
D
Heit haun si de Kloana wia de Großn
G
Ins Dirndl und in de Lederhosn

G **D**
De Lehrerin kimmt aa mim Dirndl o
G
Obwohls net amoi richtig Boarisch ko
C **G**
Da Hias trogt an Gamsbart zum Trachtngwand
D **G**
So groß, dass ma damit glei zamkehrn kannt

G **C** **D** **G**
Juhui! Eiei! Heit is da erste Mai!
C
Heit gehts los, heit gehts auf! Heit samma so guad drauf!
D **G**
Heit stelln ma an Maibaum auf!

Heit gehts los, heit gehts auf!

Heit samma so guad drauf!

Musi spui auf!

Da Maibaum, ja mei, des is scho a Lackl
Doch unsere Burschn san a scheene Brackl
De stemman des Hoiz, da staunan de Madln
Grad übern Sepp mit de Spatzn-Wadln

Auf gehts, Buam! Schiabts! A bisserl no
An Ruck! Jawoi! Jetz steht er do
Wer rennt glei als Erste zum Würstlstand?
D'Burgermoasterin im Dirndlgwand

Juhui! Eiei! Heit is da erste Mai! ...

Heit stelln ma an Maibaum auf!

Text: Margit Sarholz, Werner Meier
Musik: Werner Meier, Margit Sarholz

Nachm drittn Gang zum Kuachastand
Schaut d'Huaberin, als obs nimma schnaufa kannt
Die Schützen, de schiaßn auf oamoi so laut
Dass d'Oma fast von da Bierbank haut

Da Pfarrer trinkt heit a ganze Maß
Heit is er lustig, heit hot er Spaß
Am Tisch obn stehn de Goaßl-Schnalzer
Und schnalzen uns jetz glei an Maibaum-Walzer

Juhui! Eiei! Heit is da erste Mai! ...